

محل مطبعه و اداره :

جفـال اوغلانده امنيت

صندوغى جوارنده

شنكول يقوشنده

۲۷ نومرو

مستطابق

اظهار :

مسلکمه موافق آثار

جدیدہ مع الممنونیه

قبول اولنور

درج ایدلمه پن آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشورہ اسلامیه بحث ایررد هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۵ ذی الحجہ پنجشنبه ۲۵ تشرین ثانی ۳۲۶

عدد : ۱۱۸

بصریمز نتیجه سیدر . پک میدید البصر اولدینی ، « تعمق ایدن کی معنالی تعبیرلر استعمالیه اثبات ایدن د . ک افندی حضرتلری ، ائتلاف مثلته تقرب ایدهرک ، حقوق و منافعمزک هیأت عمومیه سنک » مدافعه و محافظه سی ممکن اوله جغنی شرح واثبات ایلسه . قارئین کرام کنیدی لرینی معذور کوردکن باشقه برچوق کیمسه لرده فکر صانبلرینه اشتراک ایلر و بویله جه مملکت مزده کی منافعمزه جده موافق بر جریان فکری حاصل اولمش اولوردی . . .

سیاست داخلی و تأثیرات اجنبیه

« ژون تورک » رفیق محترمز ، آ . آ . امضالی غایت صمیمی و وطن پرورانه بر مقاله ایله سیاست عثمانیه اجنبی نفوذینک ، یالکیز نفوذینک دکل تقدیراتنک بیله قاریشماسنی ، قاریشدیر یلمه مه سنی شدتله طلب ایدیور ، غایت حق اولان بو مطالباتی اظهار وعکس حالده ، مملکت مزک ، معاذ الله تعالی اوغرایه جنی آفات و دواهی بی اشعار ایله یین بر قاج سطرینی آشنایی به ترجمه ایدیورز :

محترم ادرنه . بعونی رضا توفیق پک افندی نطق لرنده بووردیلرکه : « لهستان . نک ده بر مجلس مبعوثانی واردی ! . . »

اوت ، لهستانک ده بر مجلس مبعوثانی واردی . و بو مجلس مبعوثان نهایت لهستانک باشنه آفت اولدی ، شایلی و نجیب له ملتک اوزرینه ، حالا قورتولامادی داهیة تقسیمی کتیردی . زیرا ، او مجلس تأثیرات اجنبیه به معروض ایدی ، زیرا ، له اعیانندن بعضاری ، حائز اولدقلری عدم مسئولیت کوه نه رک و وطنارینک منافع حقیقه لرندن زیاده اجانبک فائده سنه خدمت ایدیورلردی . بو صورتله لهستانک مجلس عمومی اجانبک الزمه او یونجاق اولشدی ، لهستان مجلسی امور مملکتک دارالمشورتی اولقندن زیاده اجنبی انتریکه لرینک میدان مصارع سی اولشدی .

اداره سابقه نک مستقل و تماماً عثمانی برسیاستی یوقدی . هان دائماً تأثیرات اجنبیه قایلوردی . لکن اسکی اداره بی ده ویرن یکی تورکیه نک ، وطن معزز مزده هر درلو تأثیرات اجنبیه کی کوکندن سوکوب آتمه سی لازمدر . بوتورکیه ایچون بر حیات و محات مسأله سیدر ، زیرا اصول مشروطیت فوق العاده نازک بر ما کنه در . اگر بوما کنه نک چرخلری آراسنه غایت کوچک بر نفوذ اجنبی بارچه سی صیقشور بر سره ، خدانکرده ، بوتون ما کنه بوزولور و مملکت نک حیاتی منقطع اولور . بوجهتله ، محترم رضا توفیق پکک اخطاری شایان تشکر در . بو مقدمه در صوکره آ . آ . پک ادرنه مبعوث محترم نک استقراض و رضا نور پک مسأله لرینی ، اجانبک نه دیدکلری نه دیه جکلری ، نقطه نظرندن تدقیقه اعتراض ایدیور و صوکره هیأت اعیانه نقل کلام ایله شویله دیور :

« منی بابالریز » ، « غائب ایدیلمش حسن توجهلر » دن پک متأثر درلر ، او حسن توجهلرک اعاده سنی تمی ایدیورلر ؛ لکن او حسن توجهلرک منافع مملکتک او یون اولوب اولمادیغنی هیچ مذاکره ایتمورلر ، اک چوق اندیشه لری « عجبا حدود خارجنده نه دینیلرک ؟ » مسأله سیدر .

بوحالت روحیه فنا و تهلاک لیدر . مجلس عمومی مزده اک زیاده دوشونیلرکک شی ، اجانبک نه دیه حکمی دکل ، مملکت مزک حقیقی منافع در .

« ژون تورک » ک بو مطالباتنه ، فرط حمیتی ، ملیت پرورلکده کی شدتی معلوم اولان « طنین » رفیق مز اشتراک ایتمه مزک ایدمه زدی ، هان قاریشدی :

عثمانیه نک پک صیقی بریطر فلق (une stride neutralité) محافظه سنه طرفدار اولمادیغنی یازده کلدیکندن ، بالطبع بو فرصتدن بالاستفاده ، در حال « خارجی پولتیقه مز » دیه بر باش مقاله ایله سوزده قاریشدی .

ینه نهایتنه د . ک . امضاسی موضوع بر مقاله ده ، فرید بکله زهراب افندی نک اتفاق طرفداری اولدقلری ایضاح ایدلکدن و صدراعظم پاشانک بیاناتنه رغماً دولت عثمانیه نک سیاست قدیمه و تاریخیه سی بر سیاست بیطرفی دکل ، بلکه بر سیاست ائتلاف ، بر سیاست اتفاق اولدینی اثباته چالیشلقدن صوکره ، الیوم موجود ایکی بویوک هیأتدن هانکیسنه یاقینلاشمق « بزجه ده بویوک بر امنیت حصوله کتیر هیلور ؟ » مسأله سنک تدقیق و مناقشه سنه کیریشیلرک شویله دنیایور :

دون مجلس مبعوثانده فرید پک بر نظریه تشریح ایتدی : موقع جغرافی نظر دفته آلمی نتیجه سی اولمیدرکه دولتمزک بالقان پولتیقه سنی و سیاست عمومی ده کی وضعی یکدیگرندن آیره رق تدقیق ایتدی ؛ بو نظریه ده برانز ده ایلری کیدرک بالقان ، بحر سفید ، آناتولی حدودی ، بحر احمر و بصره کورفزی ایشلرینی آیری آیری تدقیق ایدلرمنز دخی واردر .

بوراسی اجتهاده مربوط بر ماده در . ظن عاجزانه مه قالیرسه بتون بو محیطلرده کی حقوق و منافعمزک مصونیتی بشقه بشقه ترتیبات سیاسییه دکل ، هیئت عمومی سی اعتباریله بر پولتیقه یه مربوط اولمادی . حتی خارجله اقتصادی و مالی مناسبات مز بیله سیاست عمومی مزه ربط ایتک مجبوریتنده یز .

واقعا بحر سفیدده کی حقوق بر ترتیبه ، بالقان محیطنده استاتوقودیکر بر ترتیبه در . بصره کورفزنده کی موقع مزده اوچنچی بر ترتیبه ربط ایدیلیرسه هر برندن ده بویوک فائده لر حصول لیدر اولور کی کورینور . فقط بو موضعی ترتیلر بویوک صدمه لر طیانهازلر ، خارجدن واقع اوله جق ایلك جدی حمله قارشیدنده کول کی طاغیلرلر ، هر محیطده ، یا خود حیات ملیه مزک هر صفحه سنه عائد ایشده استفاده نک حدا عظمتنه نائل اولق ارزوسی تمی محال قیلندن در .

امین ارتباطلر نسبتاً آرفائده لی ایشه کنیدیزی الداتماق ایچون بویله عموم سیاست مزی - حقوق و منافعمزک هیئت عمومی سنی - احاطه ایدن ارتباطلری ترجیح ایتلی یز .

بواساسلر قبول ایدلرکی حالده مسئله شو سؤاله انحصار ایدر : الیوم موجود ایکی بویوک هیئتدن هانکیسنه یاقینلاشمق بزجه ده بویوک بر امنیت حصوله کتیر هیلیر ؟

قارئین کرامک « حقوق و منافعمزک هیئت عمومی سنی تعبیرینک تعمق ایتدیکی معنایی نظر دفته آلهرق تدقیقانه کیریشلرینی رجا ایدرم ؛ او حالده کوتاهییه مبعوث محترم ایله هم افکار بولتمده نی معذور کوریرلر .

محرم افندی نک اک زیاده نظر دقت قارئینی جلب ایتک ایستدیکی « حقوق و منافعمزک هیأت عمومی سنی » ماده سنی پک چوق او یروب چوپره رک دوشندک ، فقط بر درلو د . ک . افندی نک کوتاهییه مبعوث محترم ایله هم افکار اولماده کی معذرتنک سببی آکلایامادق .

سیاست عثمانیه او کنه حل اولتمق ایچون موضوع مسائل دیپلوماتیکینی تفریق ایتکمزین ، (En bloc) ده پیشگاه مطالعه مزه آلق ؛ لکن بویله بر قاورایشلی نظرده بزه ائتلاف مثلث ارکانندن انکلتزه و فرانسه نک ، بو « حریت پرور دولتمزک » بحر سفیدده کی حقوق مزه ، انکلتزه نک شاب دکزی ایله بصره کورفزی حوضه سنده کی موقع مزه ، روسیه نک قره دکز حوضه سنده کی ، بالقانلرده کی بوغازلرده کی وضعیت مزه خیرخواه اولدقلرینی کوسترمه مکده عناد و اصرار ایله دی . . . بو بلکه قصر

اولورسه انکلیزلرک کندی منفعتلرینی حمایه ایچون و سائط لازمهیه مراجعت ایده جکلیرینی سویلمه لری اولجه اعلان ایتدکلیر حسن نیتله تألیفی غیر قابل غریب برتهدیدر .

أوت ، انکلتزه جدأ ایرانک منفعتی ایسته یورسه طهران حکومتی بویله تهدیده مراجعت ایتکسزین ده اقتناع ایده بیلوردی . قوینک ضعیفه قارشی قوللاننجی لسان تهدید آشکار برعداوتدن بشقه برشی دکلدرد . بونک ایچون ایرانیلیر معذردردلر . کندیلرینی نصل لوم ایده بیلورز ؟...

الحاصل انکلتزه باش وکیلنک نطقی ظاهراً وعدی ، لکن باطناً تهدیدی متضمن در . ایرانیلیر ایی دوشونسوزلر .

شئون

دولت عثمانیه :

تأییه تأسف بر اخترفک ازادسی بولنده آیموره مبارک خطره لر . —
نجف اشرفدن آتیده کی تلغرافنامه یی آله برق کمال سرور ایله اووقودق :

صراط مستقیم غزته سنه

نجف ۲۳ تشرین ثانی — محمد ضیا بک همیله عموم مجتهدین جعفریه متفقاً بیوک اجتماع یاپدی ، بر قاج کون صکره بغداده کیدوب علمای سنتله اخاء اسلامی تأییدایده . جکلیر محققدرد . محمد رحیم ببله باد کوبه لی

محمد رحیم افندی کبی حقیقی مجاهدین ، عالم اسلامک هر طرفنده ظاهر اولورسه ، بعنایة الله تعالی ، اختلاف وضع مسلین زائل اوله رق اولنرک یرینه اتحاد وقوت موحدین حاصل اولور وبوسایده عالم اسلامی رقابنی فک ایله استقلالنی بولور . الله مجاهدین اسلامیه یی عزمنده قوی ، مقاصدنده موفق بالخیر ایلیه !

قربانلر هقتمره فنرای عالی — عید اضحی مناسبتیه ذبح ایدیه جک قربانلر ائماننک دونامای عثمانی اعانه سنه ویرلمه سنی جائز و بونکله امرالهی اولان ذبح قربان ساقط اولوب اولیه جنی حقنده واقع اولان استفتا اوزرینه فتواخانه دن ویریلن مذکوره اضحیه ده واجب اولان ایام نحرده اراقة دم اولوب بوده خالص حقا اولدینی جهته ذبح ایتکسزین قربانک عینی ویا بدلی تصدق واجبی اسقاط ایتیه جکی و آحق ذبح ایدیه لره واجب ادادن صکره جلود و لحومنی و اول جلود و لحوم بدلرینی و واجب اولیوب متوفا ابوین واقربا و تعلقات واحبابه ویا صور سائر ایله تطوعاً ذبح ایدیه جک قربانلرک کذلک بدلاتی امرخیز مذکوره اعطا جائز و مشروع اولدینی و اوزرینه ذبح

سیاست داخلیه ضربه سیاست خارجیه ضربه شدت ارتباطنی تصدیق ایتکله برابر هیچ برزمان قبول ایتیه جکدن بر نقطه واردرکه اوده سیاست داخلیه ضربه تنقید ایدرکن اجنبیلرک فکرلرینی مدار اثبات اوله رق ذکر و بیان ایتکدر . رضا توفیق بکک حس حجتی بوکا مانع اوله جغه قویاً قانع اولدیغمن حالده بر قسم و اخذاتی بو صورته یوروش اولماسنی حرارت مباحثه آراسنده بر اثر ذهل اوله رق تلقی ایتکده مضطرز . سیاست داخلیه ضربه بزمدر . بوکا بر اجنبینک مداخله حق یوقدر . ایسترسه ک فنا یاپارز ، ایسترسه ک ایی یاپارز . بونک غوغاسی ، دعواسی آراضده اولور . دعوا ائساننده بر بریمزه فنا یاپدیکز ! چونکه فلان اجنبی بویله دیور ، سزی تقبیح ایدیور دیکه دلیز وارما بیدر .

... استقراضی یا عاقدیه فرانسه یی دارلندق طرزنده کی هجوملری بر عثمانی مجلس مبعوثانک شان وحیثیتنه هیچ بر وجهله لایق کوره مز . بر ملت باطبع اوتدن بری سودیکی ، حرمت ایتدیکی دیگر بر حکومتی دارلناملیدر . فقط بوندن اول دوشونه جکی بر نقطه ده ها واردرکه اوده کندی شرف وحیثیت ملیه سیدر . بونی مدافعه ایچون پایلان بر حرکت هیچ فرقه فرقه باقله قسزین عموماً تحسین وتقدير ایدانک لازمه حیتدر .

سویلمه یه حاجت وارمی ؟ صراط مستقیم کرک آ . آ . بکک کرکسه حسین جاهد بکک پک مصیب اولان شو مطالعه لرینه تمامیه اشتراک ایدر .

انکلتزه ایران

« اللواء » رفیق محترم انکلتزه باش وکیلنک ایران حقنده کی نطفی خلاصه سویلدکن صکره دیورکه :

سیاسی اولسه ، دیکلینلری مطلقاً کولدرمسی طبیعی اولان بوکی نطقاره شاشاماق المزدن کاز .

کورکوسی ، عقلی آز اولان بر آدمک اطرافنه سیاسی طوزاقلر فصل قورولور ، بز پک ایی بیلیرز . ذاتاً انکلیزلر بزم زوالی مملکت مزده عین سوزلری سویله رک کیرمشردی . ایشته ایرانده آسایشی اعاده ، تجارتی حمایه ایده جکزدیه کیریورلر . عجبا ایرانیلرده بزم الدیغمن نصیبی می آله جقلر ؟...

بر مملکته اجنبیلرک امریه حرکت ایدر برضابطه کیرده بو حال او مملکتی استیلا ایچون مقدمه اولزمی ؟ بالقان مسئله سی کوزمزه اوکنده طور یور . اگر جناب حق دولتک امدادینه یتشه رک اعلان حریت ایدن اوحیتلی قهرمانلری یاراتمش اولسهیدی ، بوکون ما کدونیا یا اعلان استقلال ایده جک ، یا خود قومشو حکومتلر طرفندن تقسیم اولنه جقدی . بوکون ایران امور اداره و ضابطه سی انکلیز ضابطلرینک النده بولنورسه نصل اولورده بوکا مداخله دینلمز ؟ طبیعی بونلراوزون اتکلی ، لزومنده ایسته ندیکی کبی تأویل ایدیلور برطاقم قوانین ادرايه ده وضع ایده جکلر .

دنیا ده هانکی ملت واردرکه کندی امورینه بر اجنبی طرفندن قاریشلمسنی مداخله تلقی ایتسون ، مداخله ایدنلری سوء نیت اصحابندن کورمسون ؟ باخصوص منفعت خصوصیه نک معبود عد ایدلیدی بویله بردورده که ، بولسه لر مقصدلرینه وصول ایچون بتون انسانیتی قویون بوغازلر کبی بوغازلیه جقلر !

ایران حکومتی انکلتزه یه قارشی اظهار عداوتدن وازچمیه جک